



四庫禁燬書叢刊編纂委員會

北京出版社

四庫禁燬書叢刊

# 集部第二七冊目次

皇明經世文編五百四卷補遺四卷(六)

〔明〕陳子龍等輯  
影印明崇禎雲間平露堂刻本

.....一

皇明經世文編五百四卷  
補遺四卷（六）

〔明〕陳子龍等輯

影印明崇禎雲間平露堂

刻本

皇明經世文編卷之三百二十

華亭

宋徵璧尚木 陳子龍臥子

選輯

徐孚遠闇公 宋徵輿轅文

周季勲成子參閱

方司馬奏疏

疏

方逢時

爲開疆既要以重陵寢以衛孤懸事

宣府修牆

准巡撫宣府都御史吳會稿案照臣自奉 命督臨

卽計值此諸虜款貢之秋正我自治圖維之會查得

皇明經世編

方司馬奏疏  
卷之一

宣府修牆

一 平露堂

三鎮雖各題有邊工但恐已題者尚未經脩應脩者尚未議及坐廢良時有誤防守節經通行各鎮逐一查照務將已題者上緊興脩未議者從實踏勘問又臣昔年分巡口北於北路龍門所地方巡歷勘得自本所進東至靖胡堡止山梁一道形勢聯絡外險內固若加脩鑿北可以達獨石南可以援南山誠京陵之一藩籬也今奉赴任陽和道出居庸關得該鎮連年脩防雖極周慎設復乘今間暇將前龍門山梁增飭重險不惟東北二路均爲有賴其在 陵後南

山尤可恃以無虞當會撫臣計議規畫去後今准前

因臣會同議照 國家建重鎮於宣府所以厚 陵

京之肩臂其設獨石馬營諸城堡于北路者所以密

宣府之藩籬也大獨石挺然出于宣府之極北三面

隣虜勢極孤懸而懷永與 陵寢止隔一山其所關

係尤重且大故兵馬分設于東北二路者獨盈于諸

路而北路隣虜任戰之兵尤稱雄于諸路二路勢成

犄角爲唇齒焉但其間地本相聯而經行之路可以

舍迂就徑以達懷永者尚在塞外故不便聲援北路

皇明經世編

方司馬奏疏  
卷之一

宣府修牆

二 平露堂

東南隅外有山梁一道起于龍門所之盤道墩以迄靖胡堡之大衙口延亘一百餘里山勢高峻誠爲天險內有通賊隘口數處往年虜曾繇此以入犯懷永其逐爲修牆斬崖則滴水靖胡既有柞口之內邊又設盤道之重險虜騎自難入犯倘有警報自龍門之黑峪以達寧遠邊內經行止三十里北路之兵繇此以入衛南山東路之兵繇此以出援獨石皆可朝發而夕至 陵寢重地屹爲全湯獨石孤懸勢相聯絡矣臣昔巡閱頗悉險要若能舉修深於邊防大有補

裡及今撫臣殫力經營親詣塞外往復審量看得外  
山險峻足堪保障內有莊郭遺址石甬尚存中途有  
以所築牆所不必故此處用舊垣上取其  
地名巡檢司則古於此曾建巡司衙門蓋在昔原爲  
邊內而今特脩復其舊時疆圉耳况龍門所盤道墩  
起迤東一段舊曾設有外十三家墩臺蓋曩時邊臣  
亦計慮及此今接續設臺兼設牆崖以終未竟之緒  
不惟拓地百里將來漸次經營可資屯牧而亟成大  
工以設重險東北二路之兵可臨期調遣繇此以互  
相應援委于戰守有資其間應建墩臺安設哨守軍  
人查得龍門盤道墩起以至寧遠柞口墩止計一百  
餘座每墩原設墩軍七名今既脩此外邊則舊墩俱  
爲腹裏應止照火路墩臺每墩量留四名就以多餘  
者撥補哨守不必另爲添軍再照工程緩急宜於循  
序而衝邊設險尤貴周詳今外築塞垣可通大舉零  
寇者俱已營脩其間險峻之處亦有爲步虜可以攀  
援而上者城堡之土築甃包俱各高堅而其間亦有  
未盡甃包者今大工已有次序尤當乘此人力稍暇  
之時一槩逐爲勦脩在大邊險峻之處應盡爲修牆

皇明經世編

方司馬奏疏  
卷之一

宣府修牆

三 平露堂

斬崖城堡之未甃包者應漸次勦議逐爲包砌至於  
南山全東敵臺原議先儘本山官軍興脩三年報完  
今東路城全俱盡甃包北山大邊牆崖墩臺俱已盡  
完遊援官軍見有餘力相應照南山官軍事例日給  
行糧及每臺散給犒賞銀一百兩免支鹽菜責成各  
系遊與南山系將分定工程併力協脩與甃包城堡  
限以明年報完其餘見經題議興修工程上緊催償  
務俱以今年報完合用鹽菜等銀二萬七千七百一  
兩零仍于河南見解班價內支給應用口糧四萬二  
千二十八石七斗零合無查照戶七兵三事例在戶  
部所出七分計該糧三萬一百二十石一斗零于見  
在修工支剩客餉內支給在兵部應出三分計該糧  
一萬二千九百八石六斗零每銀一兩買米九斗該  
銀一萬四千三百四十二兩九錢一分於太僕寺馬  
價內解發惟復仍照上年事規俱于修工支剩客餉  
內支給乞 勅該部查議施行  
爲懇乞議處疏通市馬疏 疏通市馬  
案查自隆慶五年北虜輸誠款貢伏蒙 先帝仁恩

皇明經世編

方司馬奏疏  
卷之一

宣府修牆

四 平露堂

准其分車本年宣府鎮易過馬一千九百九十三匹大同鎮易過馬二千九十六匹山西鎮易過馬二千九百四十一匹俱各派給各營官軍騎操并察所屬變賣及折充武職俸糧訖隆慶六年互市宣府鎮因老把都諸子未到止易過永酋夷馬九百二匹大同鎮易過馬四千五百六十五匹山西鎮易過馬二千三百七十八匹萬曆元年互市宣府鎮易過馬七千八百一十四匹大同鎮易過馬七千五百五匹山西鎮易過馬三千七百八十八匹據此節年市馬較之在

皇明經世編

方司馬奏疏  
卷之一

五

平露堂

已一萬四千五百有餘在大同約七千六百七十有餘在山西約五千有餘而每月諸會送易之馬不在其內通計三鎮幾二萬七千有餘宣府原派無馬官軍止四千七百四十二名大同原派無馬官軍止四千五百名山西原派無馬官軍止五百名儘數兌給僅及三分之一至于三府之里甲三鎮之驛站爲數無幾上年已派者難於重給而所屬軍民之變賣尤難逼抑且此市馬若拒而不納則重拂虜情反側立見苦拘循成議則俵散無地阻阨益甚遂使國家

皇明經世編

方司馬奏疏  
卷之一

六

平露堂

之勢勢人臣恒切相成之義義故變通以宜民推行以盡利凡民之事莫不皆然而況事關疆場機係安危無損于民有裨于國其在諸臣有不竭忠殫慮思艱難而共濟乎乞勅兵部早為查處臣等幸甚

計開

一立塲廐以便牧放往歲虜未服時諸鎮得馬甚艱今虜馬蕃庶拒之則不可散之則無處及今不為區畫久而將成棄物臣愚以為當于山西宣大擇水冲胡馬胡馬止宜在塞畜牧一入內地便有不馴之患薦美之所各建牧塲一區每年所市胡馬除給軍民

皇明經世編

方司馬奏疏

疏通市馬

七

于露堂

領賣之外餘剩之數分塲牧放將各營步軍之不任戰陣者每軍一人牧馬三四匹每十軍為一羣十羣為一較以一把總領之十較為一場不足者無取盈焉以一空閑參遊等官知牧事者領之時其水冲班其毛齒皆其良否視其醫藥夏秋放青冬春量貼艸料又調發空丁採取秋青艸束以備冬寒山西即領于行太僕寺宣大則領於各兵備道而陽和則另立一小塲以牧諸部之貢馬各鎮舊領艸塲通行查出分地住牧倒亥者量為罰治盜竄者重為追賠時有等

生照中土種馬之例酌行給賞而凡京邊諸營之用馬者皆取給於是孳生之駒軍民願買者照時估値給焉如此則馬雖多而蕃蓄有所不徒無壅滯廢棄之患而或可收雲錦驪黃之利矣

一時俟解以便軍民國家額徵民養大馬解于太僕者歲數萬匹無非為軍國計也中土之民買馬甚艱有四十金而後得一馬者往返道途飼牧之費不與焉臣昔為知縣時目擊其苦監牧者講求寬卹之政而不可得久矣今茲胡馬立塲畜牧為時既久水

皇明經世編

方司馬奏疏

疏通市馬

八

于露堂

土已服大勝中土之產臣愚以為宜如總督王巡撫楊先年所議再為酌處將三鎮各塲所牧之馬每歲選其高大臚壯者宣府以二千三百匹為率大同以一千五百匹為率山西以一千二百匹為率各鎮巡委選具數先行咨送兵部轉行太僕寺聽其委官臨塲會同行太僕兵備守巡等道逐一驗選領回臨關兌給京營官軍騎征將直隸山東河南等處府州縣應解大馬酌量分數徵收折色照依原定價例如幾各鎮以備互市之用則京營坐收隸壯之列百姓可

省買倭之勞馬價無賈乏之憂。虜人得懷綏之利。况夷馬強健慣耐。尤利馳騁。較之中土駑筋弱骨。鞭策不前者倍蓰矣。

一廣兌易以蘇困累。查得宣大市馬。先該總督王題准部議。每年薊鎮督撫發銀一萬二千兩。于宣府易買馬一千二百匹。歲以爲常。兩利兼濟。法之善者也。臣愚以爲此法不但可行於薊鎮。卽今真大河保等府。各設有總副叅遊等營。軍兵合用馬匹。不下數千。半仰給于太僕。而軍兵自買者。本價之外。津貼倍之。皇明經世編  
方司馬奏疏 疏通市馬 卷之一 九 平露堂

官民困累極矣。若照薊鎮之例。再爲推廣。於薊鎮則量增千匹。於真大河保諸營。則行彼處巡撫鎮守衙門。通查各營應補馬匹。每年每營定數若干。一體發銀。或委官領軍。自行易買。在真定諸郡。則赴山西水泉市。在保定諸郡。則赴大同得勝等市。官價已有定規。無容別議。若軍兵自買。更爲酌處。上馬則十二兩。中馬則十兩。下馬則八兩。泉多益寡。彼此通融。以示優卹。則國馬日多。軍容日壯。而軍民亦可免賠貼之苦矣。

一先選解以疏積滯。查得宣府以一鎮而當永邵青把都二部之夷。故市馬比山大獨多一倍。卽今已市并送易之馬。幾一萬五千餘匹。無馬官軍止四千七百有餘。儘數分給。僅三分之一。餘者無處給散。雖該撫鎮編派步軍。從宜領買。數亦有限。人情頗難。欲請發太僕。恐又以新至水土不服。多致倒損。爲辭。臣愚以爲宜將該鎮上年給軍領養之馬。選其高大臚壯者二千餘匹。解送太僕。給散京營官軍騎操。以抵來年真保等府。屬春季應俵之數。一體折銀解發。而薊鎮今年所買之數。亦量增千匹。却以新馬補還原軍。以後年分。却於場內所牧之馬。一體選解。如此則一轉移之間。中外俱利。大公之政舉。而該鎮目前之急。可舒矣。

皇明經世編  
方司馬奏疏 大同修邊 卷之一 十 平露堂

大同修邊

備察邊情敷陳臆見疏  
准兵部咨。該御史陳文燧款題開陳八事。該本部看得察撫賞之機宜。酌修守之要領。勤戎伍之訓練。嚴使介之稽覈。恤邊軍之勞困。議夷馬之價值。定貢市之期侯。七事均於邊防有裨。逐款議覆。題奉 聖旨。

這所奏依議行。與方逢時等着實舉行。其一應關外機宜。亦許他以便宜處置。務不失制虜安邊大計。以副朝廷委任之重。欽此。備咨到臣。限本年十月以裏回奏遵行。看得按臣目擊時艱。條陳石畫。深切著明。部臣覆議周詳。機宜曲當。臣等更復何言。况奉

明旨。依議行。與臣等着實舉行。其一應機宜。許以便宜處置。所以責之臣等者。既重且專。臣夙夜驚惕。懼無以仰稱德意。惟思日孜孜以圖效尺寸。八事之中。已行者三。遵行者四。今當議行者一。夫撫賞之機。

皇明經世編

方司馬奏疏  
卷之一

大同修邊

士

平露堂

使介之稽。貢市之期。三者事體相屬。蓋夷虜之性。殘忍貪戾。嗜慾無厭。逆之則肆侵掠。順之則求撫賞。事勢之必然也。撫賞之舉。名同而實異。有自我而賂之者。有自彼而求之者。有已臣服而惠給之者。今日之撫賞。正已臣服而惠給之者也。臣等隨機應酬。予奪操縱。務使在我足以爲恩。在彼足以爲德。歷歲既久。事體頗定。虜心亦服。而夷使往來。各有印帖爲照。雖來去絡繹。至卽遣還。不容有信宿之停。騎乘馬匹。已經訂約。我馬不出塞。彼騎不入邊。爭擾侮奪。近皆斂

輯。惟守貢之使。則留住三鎮。在宣府者三十八名。在大同者十八名。在偏關者六名。在陽和者七名。皆建有夷館。防閑周備。犒給優厚。無敢誼譁。亂我齊民。賞宴畢日。卽行遣還。貢市之期。則起自四月之中。至九月終而事畢。今年行之已定。來歲卽可循據。此三者

臣等之所已行者也。夫兩鎮之支費。皆原於撫賞。撫賞之用。原無定則。欽給之銀。則有定數。皆取給於積餘之客餉。在宣大二鎮。各二萬兩。在臣軍門。則取於宣大者各二千兩。山西一千兩。一年之間。哀益樽

皇明經世編

方司馬奏疏  
卷之一

大同修邊

士

平露堂

餉亦足支持。間有不敷。則取補於減哨市稅。市稅爲數甚少。僅足以充各城堡供給往來夷使飯食之費。不足者。亦以減哨之銀給之。減哨者。乃沿邊哨守之軍。往年哨探艱苦。故于月糧之外。加給行糧。有一石者。有七八斗者。有四五斗者。有二三斗者。地有險易。數有多寡。今幸虜服。哨探稀少。故行量減。以助撫賞。在宣府歲約銀四萬四千八百餘兩。在大同歲約銀四千六十餘兩。蓋外非剝軍內非耗儲。誠因時濟用之一端。設使虜情一變。則當盡給停減矣。至于那借

庫銀或舉事之初處置未備權爲借支隨行扣補還官非固餒之而不歸也且撫賞之日誠爲浩繁出入支給各有司存臣等年終造冊奏繳實非漫然無稽按臣之議欲行查覈尤足以明廉而啓貪法之善者也但恐事體久近不一人情好惡不同行之既久而處位甚廉令則反是豈可以不查今恐不查一有倚法操切使關外之臣畏首畏尾無以廣慈惠而廉虜情臣不能無異日之慮也至于戎伍之訓練邊軍之勞困夷馬之價值三者事體亦略相關蓋市馬歲無定數來則與市中間雖不盡良亦不盡駑簡皇明經世編 方司馬奏疏 大同修邊 三 平露堂 卷之十一 四十七

足所患者市馬之無處也臣自履任以來日搜諸營騎操之馬取其老病疾弱者減值變賣以市馬補之又取諸驛站之騾驢不堪者賣之以市馬更之又擇所市之馬幼小不任騎征者減價轉賣多方措置支吾日前故大同之馬已幸無滯惟宣府既無有司而夷馬又復加倍該撫臣吳以二軍共領不便今遵部議以馬高下定軍多少或六名或五名或四名每軍量輸價銀一兩秋月停工採辦及聽以月糧從便扣抵又復立場牧放專官管理故宣府之軍困亦稍舒皇明經世編 方司馬奏疏 大同修邊 三 平露堂 卷之十一 四十七

開墾日廣，收穫頗增，願自抵扣月糧者，各從其便，及通行採打秋青艸束，扣價以償，步軍屯軍之田，亦稍恤矣。惟於市馬若俯從臣前議，再為疏通，則馬軍之困亦漸可恤也。若夫訓練戎伍，乃諸將之能事，臣等之職任，今虜雖款塞，未然之防，不可不嚴，臣等念此日夜至熟，士氣軍容，亦略振舉，盔甲器械火器等項，俱整繕有緒，各亦足用，此四事者，臣等之所遵行者也。至所謂修守之宜，則城堡邊牆墩臺皆為重務，往年雖欲修之而不可得，今虜既款塞，維其時矣。宣府

皇明經世編

方司馬奏疏  
卷之一

大同修邊  
五

平露堂  
三九五

土取水於數十里之外者，所在羣山，星散蟻游，無蜿蜒綿亘聯絡之勢，非惟大異於薊鎮，而實不同于宣府。此地利之當議也。一鎮之軍，原額十四萬餘，二百年來逃亡過半，見在食糧之數，僅八萬餘，而官幼婦女優給，亦在其中。城守役占之外，各營選兵不及五萬，連年修工，日不暇給，更無他軍，可以更助。大工肇舉，人心憂惶，此人力之當議也。此六百里之牆，除已完外，應修者五百三十三里，遼土沙鬆，風激雨漂，立見糜散。故牆高則速頽，崖深則善傾。沙漠之區，采柴無所，沙礮之土，為磚不堅，徒費人力，旋成旋毀。此工程之當議也。為今之計，合無將前議邊牆身高減去五尺，加之女牆五尺，通高二丈五尺，牆外原有壕塹一道，挑濬深三丈，闊二丈五尺，沿牆每里築墩臺一座，身高四丈，垛口牆高六尺，每面根闊四丈，收頂三丈，上蓋瓦房二間，每三里築空心臺一座，高闊相同，中用空心，上蓋瓦房三間，仍各于向裏一邊，開築院牆，一曲隨臺之高下，以為牆之高原，房以住守哨之軍，牆以便收斂之事，舊牆有可因者，則因之，險有可

皇明經世編

方司馬奏疏  
卷之一

大同修邊  
六

平露堂  
三九五

據者則據之。沙石不堪之處。可改移者則改移之。先年墩臺置在牆外。無益防守者。牆內之臺。可歸併者。則移置歸併之。務使高可恃而堅可久。但一鎮之軍。夫有限。連年之工役始完。兼之今歲水旱水雹為災。米價騰踊。人勞未息。工期已屆。事難促舉。合行寬恤。一年。以萬曆四年起工。先儘本鎮軍夫。量地遠近。分為二班。每月一更。不足者以河南等處班軍添撥。一體隨班替換。合用行糧鹽菜等項。悉照原議支給。如有不敷。容臣等臨時請討。每年工完。先行勘明。有

人每里一臺。則為臺五百。每臺五十人。則用軍士二萬五千人。一鎮之軍。僅八萬餘。老幼悉行纔及三分之一。原額盡復。尚少其二。而沿邊右衛等九大城。新平等三十九邊堡。更無一人可守。顧彼則遣此。護東則失西。此擺守足軍之難。臣之所慮者一也。夫兵聚則強。分則弱。牆臺既設。擺守必行。則吾數萬之衆。散列數百里之間。而虜賊屯聚。止於數營。彼聚而攻。我散而守。彼力益專。我力轉弱。十里之外。聲勢不及。各分信地。不暇援應。三四將吏。閉空城而不能誰何。是

踐更焦費靡不有備尚難持久況在極邊墻臺之上兵士抱戈而株立將師擐甲而菱居虜騎如蟻往來墻外以虛形制我十日不退風寒雪凍渴不及飲饑不及食心力離散不可收拾摧枯拉朽之形見矣此擺守持久之難臣之所慮者四也臣犬馬之心不勝惓惓伏乞 勅下該部將臣所議再為斟酌題覆施行

虜酋勢劫熟番疏 撫處賓首

准兵部咨該巡按陝西監察御史董石題稱虜酋賓

皇明經世編

方司馬奏疏 卷之一

九

平露堂

兔同男阿赤兔帶領部落一千餘騎欲要搶番索賞等因本部議擬移咨宣大總督轉行順義王俺答嚴諭賓兔安分遵守不許侵擾番漢以絕覬覦之心等因題奉 欽依備咨前來遵行間又節准兵部咨為酌議西虜均撫賞昭恩信順夷情以永邊利事該總督陝西三邊右都御史石題稱河西之虜有住牧大小松山者乃賓兔部落有往來搶掠西海者乃河東套內部落住牧者利在互市往來者利在撫賞今賓兔就市于寧夏安便無議不必另立市場祇緣西行

虜衆經過甘鎮地方苦無撫賞以故求乞紛紛等情等因到臣已經備咨兵部知會查照去後今准前因除臣又行選差通官傳諭去訖三年四月初六日順義王差有通事土忽智等來見臣約請進馬之期臣卽面譯曉諭曰汝順義王節年受 朝廷撫賞之恩天高地厚卽今各部頗遵約束惟西海賓兔不服禁約屢行侵擾今又遠掠西番聲言入犯松潘等處意欲何爲你順義王若不早行嚴禁則汝數年忠敬之名都被此酋所壞貢市之利恐不可復得汝家之禍自此始矣土忽智等當亦心服言曰賓兔非敢搶松潘蓋因數年西搶今年都回遂遠搶生番凡係屬中國之番都不敢有犯且賓兔非敢故違只因甘肅不准開市寧夏又路遠往返艱難無利彼見諸部頭目都有定所惟此一酋無定故如此若甘肅地方縱不開大市但得撫賞得宜彼卽安心聽從不然恐順義雖禁約亦不能盡制也臣聽其言亦似有理竊計虜情亦不過如是除再三申告又附書令其歸諭外臣竊惟北虜自上世以來非冠帶之國正朔所不

皇明經世編

方司馬奏疏 卷之一

十

平露堂

及侵凌寇暴歷代苦之。苟能款服，制其寇掠，惠中國以安四方。古之人所竭心力而圖之者也。今者伏遇先帝聖德遠被，陛下神武昭布，天厭夷虜，哀我邊人，二三黠酋，自掩谷而下，莫不稽首委命下吏，聽受撫賞。陛下不以爲過，每從優錫，許臣等便宜酬應，不敢有貳。若是者，豈真與之約，與國結鄰好哉？誠以大豕豺狼，兇頑噬嚙，幸其委命，誠得而羈縻之。爲邊人請旦夕之命，使邊臣得效修守之力，輯寧封威，以仰舒陛下北顧之憂。臣等所以昧死而爲之者也。比來諸會各有定所，受我秦畜，莫有異志，而賓鬼者止緣甘肅之市，迄今無定。寧夏路遠，往返艱難，故猖狂如此。夷虜愚頑，志切貪慾，作此舉動，外示強悍，而實內懷冀望。當此之時，虜志未定，若能察其機而先事圖之，彼宜無不聽從之理。且西虜諸部數年西搶，在巢者無幾，今日悉回矣。徒衆既多，奸計日生，失此機會，不爲一處，以收其心，而奪其氣，使不肯之志日益堅固，爲害將多。臣雖日諭俺答，恐亦無益。況事體人情，不甚相遠，彼有望我之心，我無緩來之

皇明經世編

方司馬奏疏  
卷之一

撫處管

王平露堂

果而徒區區于傳諭禁約之間，將爲再三之告，非所以重中國之威信，而孚遠人之觀聽也。譬之養豕然，熊虎既馴，乃不能擾一狼，而使之觸藩籬而生獸心，非計之得者。若以此會奸詐反覆，不當撫處，則又宜明示棄絕，嚴兵拒戰，使一大創，不敢復逞，似不當蓄疑顧慮，自失機會爲也。夫兵凶戰危，聖人不得已而用之，昔人有言，用兵諸將之利，非國之福，況未必爲諸將利。臣又以爲此事不可不深長思也。至于松潘之事，或係諸會西搶而還，合勢遠掠，生番恐而投順，虛喝我以先聲，熟番思而急援，預控我以膚慙，未可知也。況蜀徼天險，有番人以間之。此虜豈能卽深入爲寇，僭險阨以嚴戰守，撫番人以爲屏翰，該部之規畫，撫臣之經略，無不至當，又何過慮之有。夫封疆之事，各有專責，臣以愚陋，何敢輕肆管說，爲出位之謀，以干不韙之誅。但准部咨奉，欽依有行臣傳諭之責，竊以此事，臣遵奉德意，往復曉諭，至于再，至于三矣。設若今三諭之後，賓鬼之違擾不已，西鎮之奏報又至，不但謂臣傳諭之無實，而且謂俺答禁約

皇明經世編

方司馬奏疏  
卷之一

撫處管

王平露堂

之無效、夷虜之情事、既不能以自達、而中外之疑慮、日增、邊境之事、漸致輻輳矣、夫天下之事、理以主之勢、以行之情、以察之、鮮無不濟、今夷情大可見、而無臣事極難撫議初成之時察給事等論及王駁之權、又在我、斷而行之于理、亦無大繆、不然者在兼意西鎮諸臣加之意耳

皇明經世文編卷之終

皇明經世編

方司馬奏疏  
卷之一

寶齋

王  
平露堂

皇明經世文編卷之三百二十一

華亭

宋徵璧尚木 陳子龍臥子

選輯

徐孚遠闇公 宋徵輿韓文

宋 卓立萬參閱

方司馬奏疏

疏

方逢時

審時宜酌羣議陳要實疏

訓練積貯修纂

臣聞自古爲

中國之患者莫甚於夷狄其安懷撻

伐之事亦莫急於夷狄惟我 國家開區宇二百餘

皇明經世編

方司馬奏疏

訓練積貯修纂

平露堂

餘年虜情屢變其戰守備禦之政亦屢變蓋勢有强

弱事有緩急因時而更待人而舉勢所必至也嘉靖

以前臣未敢詳論隆慶之初先帝肇登大寶未遑

他務首 諭廷臣以防虜之計一時諸臣仰體 德

意集議十有三策莫非經略弘猷首之以責實效之

一言尤至要也九邊文武諸臣奉行惟謹實效漸臻

旣而 皇威遠震 天心悔禍夷孽來降執叛 獻

俘 先帝而稽天若俯從 廷臣之議俾臣等得效

犬馬之勞許成 貢市之事非利之也蓋將假以羈

縻狂獬以爲自治自強之計也五六年來九邊無烽

燧之警三軍閒暇萬姓保聚城堡堅完儲餉充積可

謂無事之時矣恭惟 皇上繼體守成 丕顯 先

烈 臨御以來憂勤惕勵不以諸酋之款服爲可恃

於凡內修外攘陰雨桑土之計擬議于 廟堂之上

播告于封疆之遠申飭叮嚀至嚴至備大小羣臣敷

陳建白以宣贊 聖謨申明先議者亦幾備矣臣受

命以來二年于茲諸所督率恪遵 廟議外馴黠虜

潛奪其器悍之心內務兵戎冀克成保安之績以仰

皇明經世編

方司馬奏疏

訓練積貯修纂

平露堂

酬 知遇之恩者夙夜孜孜不敢自怠僥倖經營之

餘心惟日擊竄見三鎮之事似有徒勞馳騁虛涉歲

月于先年所議有未盡合者亦惟在於名實先後施

爲緩急之間而已臣竊以爲 朝廷旣以實效責之

臣臣等卽當各以實事責之已不宜隨事依違因言

舉廢汲汲于期會文移之未已也臣不揣愚陋謹於

責實效之中諸所條建擇其明白簡切事易行而效

易見言之若無甚奇異而終有裨于安攘者其畧有

三曰訓練之實曰積貯之實曰修築之實而已臣愚